

唐  
音  
統  
籤

戊籤餘二十八陳陶之二

唐音統籤卷

七百七十

七言古詩

飛龍引

長洲茂苑朝夕池映日含風結細漪坐堂

一作當伏

檻紅蓮披雕軒洞戶青蘋吹輕幌芳煙鬱金靨綺

簷花簾桃李枝蘭苕翡翠但相逐桂樹鴛鴦恒並

宿

將進酒

金樽莫倚青春健醪醑浮生如走電琴瑟盤傾從

世珠黃泥局瀉流年箭麻姑爪禿瞳子昏東皇肉

角生魚鱗靈鼈柱骨半枯朽驪龍德悔愁耕人周  
孔蒼龜久淪沒黃蒿誰認賢愚骨兔苑詞才去不  
還蘭亭水石空明月巫娥弄簫香雨收江濱迸瑟  
魚龍愁靈芝九折楚蓮醉翺風一歎梁庭秋一作塵愁  
醵凸蠻觥奉君壽玉山三獻春紅透銀鴨金鵝言  
待誰隋家嶽瀆皇家有珊瑚座上凌香雲鳳臙龍  
炙猩脣犀芝蘭此日不傾倒南山白石皆賢人文  
康調笑麒麟起一曲飛龍壽天地

巫山高

玉峰青靈

一作翠聳

十二枝金母和雲賜瑤姬花宮磊

柯楚宮外列仙八面星斗垂秀色無雙怨三峽春  
風幾夢襄王獵青鸞不在嬾吹簫斑竹題詩寄江  
妾飄飄散絲巴子天苔裳玉轡紅霞幃一作鮮歸時  
白帝掩青瑣瓊枝草草迷一作遺湘煙

雞鳴曲

雞聲春曉上林中一聲驚落蝦蟇宮二聲喚破枕  
邊夢三聲行人煙海紅平旦慵將百雞語蓬鬆錦  
繡當陽處愧君飲食長相呼爲君晝鳴下高樹

關山月

昔年嫖姚護羌月今見嫖姚護羌雪青塚曾無尺

月二  
寸歸錦書多寄窮荒骨  
金鎗體沙磧鄉心一  
片懸秋碧漢地應啼  
磧鏡時胡塵萬里嬋娟隔  
磧衝雲朔風起邊笳欲曉生青珥隴上橫吹雪色  
刀何年斷得匈奴臂

### 空城雀

古城濛濛花覆水昔日住人今住鬼  
野雀荒臺遺子孫千年飲啄枯桑根  
不隨海鷺栢梁去應無玉環銜報恩  
近村紅粟香壓枝嗷嗷黃口訴朝飢  
生來未見鳳凰語欲飛常怕蜘蛛絲  
斷腸四隅天四絕清泉綠蒿無恐疑

獨揺手

漢宮新鷺矜蛾眉春臺艷粧蓮一枝迎春侍宴瑤  
華池游龍七盤嬌欲飛冶袖鶯鶯拂朝曦摩煙裊  
雪金碧遺愁鴻連翩蠶曳絲颿逕明珠掌上移仙  
人龍鳳雲雨吹朝哀暮愁引啞咿鶯鶯翡翠承宴  
私南山一笑君無辭仙姝泣月清露垂六官燒燭  
愁風歔

小笛弄

一尺玲瓏握中翠仙孤月浦呼龍子五夜流珠粲  
夢卿九清鸞倚洪崖醉丹穴飢兒笑風雨媧皇碧

玉星星語虵蠍愁聞骨髓寒江山恨老眠秋霧綺  
席鴛鴦冷朱翠星流露泣誰驅使江南一曲罷伶  
倫芙蓉水殿春風起

謫仙詞

牧龍丈人病高秋羣童擊節星漢愁瑤堂鳳輦不  
勝恨太古一聲龍白頭玉氣蘭光久摧折上清雞  
犬音書絕蜺旌失手遠於天三島空雲對秋月人  
間磊磊浮漚客驚驚蜻蜓飛自隔不應冠蓋逐黃  
埃長夢真君舊恩澤

古鏡篇

紫皇玉鏡蟾蜍字墮地千年光不死發匣深沉古  
井寒懸臺日照愁成水海戶山窓幾梳綰菱花開  
落何人見野老曾耕太白星神狐夜哭秋天片下  
國青銅旋磨滅迴鸞萬影成枯骨會待搏風雨沈  
寥長恐莓苔蝕明月

冬夜吟

黑帝天寒愁散玉東皇海上張仙燭侯家歌舞案  
梨園石氏賓寮醉金谷一作金谷曾家襍一作襍褊一作褊閣披一作披水雪花燈  
下甘垂翅散帙高編一作續折桂枝披沙密翫青雲  
地霜白溪松轉斜蓋銅龍喚曙咽聲細八埏螻蟻



厭寒棲早晚青旗引春帝展轉城烏啼紫天瞳矇  
千騎衙樓前

錢塘對酒曲

風天鴈悲西陵愁使君紅旗弄濤頭東海神魚騎  
未得江天大笑閒悠悠嗟峨吳山莫誇碧河陽經  
年一宵白南州彩鳳爲君生古獄愁蛇待恩澤三  
清羽童來何遲十二玉樓蝴蝶飛炎荒翡翠九門  
去遼東白鶴無歸期一作家歸鴟夷公子休悲悄六鰲  
如鏡天始老樽前事去月團圓琥珀無情憶蘇小

殿前生桂樹

仙娥玉宮秋夜明桂枝拂檻參差瓊香風下天漏  
丁丁牛渚翠梁橫淺清羽帳不眠恨吹笙樓鳥暗  
驚仙子落步月髣雲墮令王蕙樓涼簾翠波空銀  
縷香寒鳳凰薄東海卽爲郎斟酌綺疏長懸七星  
杓

西川座上聽金五雲唱歌

蜀王殿上華筵開五雲歌從天上來滿堂羅綺悄  
無語喉音止駐雲徘徊管絃金石還依轉不隨歌  
出靈和殿白雲飄飄席上來貫珠歷歷聲中見舊  
樣釵篦淺澹衣元和梳洗青黛眉低叢小鬢膩髮

髻

剪髮  
爲髻

碧牙鏤掌山參差曲終暫起更衣過還向

南行座頭坐低眉欲語謝貴侯檀臉雙雙淚穿破

自言本是宮中嬪武皇改號承新恩中丞御史不

足比

中丞御史皆當  
時宮中歌者

水殿一聲愁殺人武皇鑄鼎

登真錄嬪御蒙恩免幽辱茂陵弓劍不得親嫁與

卑官到西蜀卑官到官年未周堂衡祿罷東西遊

蜀江水急駐不得復此萍蓬二十秋今朝得侍王

侯宴不覺途中妾身賤願待卮酒更唱歌歌是伊

州第三遍唱着右丞征戍詞更聞閨月添相思如

今聲韻尚如在何況宮中年少時五雲處處可憐

許明朝道向褒中去須臾宴罷各東西雨散雲飛  
莫知處

贈別離

碧玉飛天星墜地玉劍分風交合水楊柳聽歌莫  
向隅雞鳴一石留髡醉蹄輪送客溝水東月娥揮  
手崦嵫峰巒天列嶂儼相待風官掃道迎游龍天  
姥剪霞鋪曉空演演大帝開明宮文鯨掉尾四海  
通分明瀑布收靈桐山妖水魘旋風魘夢齧竟  
黃瘴中借君朗鑒入崦嵫靈光華詔開花紅

五言律詩

塞下曲二首

邊頭能走馬，  
獲臂<sup>一作</sup>射虎羣。  
胡伏開弓絕，  
塞聞海山請。  
向青<sup>一作</sup>攻守嚴，  
風雲只爲坑。  
降罪輕車未  
轉動。

望胡關下戰，  
難虜喪金<sup>一作</sup>麟。  
鳥啄豺狼將，  
沙埋日月旗。  
牛羊奔赤狄，  
部落散燕耆。  
都護凌晨出，  
銘功瘞死屍。

池邊生春草

一作陳  
潤詩

謝公遺詠處，  
池水夾通津。  
古往人何在，  
年來草自春。  
色宜波際綠，  
香異雨中新。  
今日青青意，  
空悲行

路人

自歸山

海嶽南歸遠天門北望深  
暫爲青瑣客難換白雲心  
富貴老閒事猿猱思舊林  
清平無樂志一作樽酒有瑤琴

濟浙江

適越一輕艘凌兢截鷺濤  
曙光金海近晴雪玉峰高  
靜寇思投筆傷時欲釣鰲  
壯心殊未展登涉漫勞勞

清源途中旅思

古來閩州道驅羸落照間投村礙野水問店隔荒  
山身事幾時了蓬飄何日閒看花滯南國鄉月十  
灣環

南海石門戍懷古

漢家征百越落地喪貔貅大野朱旗沒長江赤血  
流鬼神尋覆族宮廟變荒丘唯有朝臺月千年照  
戍樓

題居上人法華新院

浮名深般若方等設蓮華鐘唄成僧國湖山稱法  
家一塵多寶塔千佛大牛車能誘泥犂客超然識

聚沙

南海送韋七使君赴象州任

一鶚韋公子新恩領郡符  
島夷通荔浦龍節過蒼梧  
地理金城近天涯玉樹孤  
聖朝朱紱貴從此展雄圖

送沈次魯南遊

高臺贈君別滿握軒轅風  
落日一揮手金鵝雲雨空  
鰲洲石梁外劍浦羅浮東  
茲興不可接脩脩煙際鴻

送秦鍊師



紫府靜沉沉松軒思別吟一作到琴水流寧有意雲泛  
本無心錦洞桃花遠青山竹葉深不因時賣藥何  
路更相尋

湓城贈別

楚岍青楓樹長隨送遠心九江春水濶三峽暮雲  
深氣調桓伊笛才華蔡琰琴迢迢嫁湘漢誰不重  
黃金

贈別

海國一尺綺冰壺萬縷絲以君西攀桂贈此金蓮  
枝高鳥思茂樹窮魚樂灣池平生握中寶無使歲

寒移

哭寶月三藏大禪師

五峰習聖罷乾竹化身歸帝子傳真邸門人哭寶  
衣一囊窮海沒三藏故園稀無復天花落悲風滿  
鐵圍

戊籤餘二十八陳陶之三 唐音統籤卷

七百七十一

五言排律

聖帝擊壤歌四十聲

百六承堯緒艱難土運昌大虛橫堦宇中野關豺  
狼帝曰更吾嗣時哉憶聖唐英星垂將校神嶽誕  
忠良鍊石醫元氣屠鰲正昊蒼掃原鋪一德驅稜  
立三光大道重蘇息真風再發揚芟夷踰舊跡神  
聖掩前王郊酒酣寥廓鴻恩受渺茫地圖龜負出  
天誥鳳銜將雜貢來山峙群夷入雁行紫泥搜海  
岱鴻筆富嚴廊鷹象敷宸極寰瀛作瑞坊泥丸封

八表金鏡照中央構殿祈

一作麟趾

開藩表鳳翔

鑒興親稼穡朱幌務蠶桑戎羯輸天馬靈仙侍玉

房官儀水蒐甲門衛綠沉槍陶鑄超三古車書混

萬方時巡望虞舜蒐獸法殷湯化合謳謠滿年豐

鬼域藏政源歸牧馬公法付神羊寶鼎無靈應金

甌肯破傷封山昭茂績祠執荅嘉祥在昔宮闈借

仍罹昇泥殃牝雞何譏謫

譏與怒同  
謫大界切

獬犬漫劾黜

苗穉三靈怒桓榆九族亡鯨鯢尋掛網魍魎旋投

荒松柏霜逾翠芝蘭露更香聖謨流作遠仙系發

源長島嶼征徭傳漪瀾汎稻梁鳧魚饜飡啖荷薜

是衣裳寤寐華胥國嬉遊太素鄉鷹鷂飛接翼忠  
孝住連牆有叟能調鼎無媒隱釣璜乾坤資識量  
江海入文章野鶴思蓬關山麋憶廟堂泥沙空滓  
礪星斗屢低昂歷草何因見衢路暫忘終隨嘉  
橘賦霄漢謁羲皇

題贈高閒上人

簷蔔花間客軒轅縣上僧國瑞麒  
麟內殿初招隱曹溪得後塵龍蛇驚粉署花雨對  
金輪白馬方依漢朱星又入秦劇談凌鑿齒清論  
倒波旬拂石先天古降龍舊國春珠還合浦老寶

去玉州貧鴛鴦輪黃絹場壇遶白蘋  
湖閒入夢金閣靜通神海氣成方丈  
山泉落淨巾獼猴深愛月鷗鳥不猜  
人拂岳蕭蕭竹垂空澹澹津漢珠難  
覓對荆璞本來真仙傳多曉壁劉雷  
競買鄰江邊有國寶時爲刷星辰

哭王贊府

白水留今古青山送死生驅馳三楚  
掾倏忽一空名金玉埋臯壤芝蘭哭  
弟兄龍頭孤後進鵬翅失前程愁變  
風雲色悲連鼓角聲落星辭聖代寒  
夢閉佳城伊昔樂江邑從容副國英  
德踰棲棘美公

亞飲冰清大厦亡  
孤直群儒憶老成  
白駒悲里巷  
梁木慟簪纓  
隴遂添新草  
珠還滿舊簾  
蒼蒼難可  
問原上晚煙橫

七言律詩

鍾陵道中作

原隰經霜蕙草黃  
塞鴻消息怨流芳  
秋山落照見  
麋鹿南國異  
花開雪霜煙火近  
通繁瓠俗水雲深  
入武陵鄉曾逢齧缺  
話東海長憶蕭家青玉床

旅泊塗江

煙雨南江一葉微  
松潭漁火夜相依  
斷沙雁起金

精出孤嶺猿愁木客歸楚國柑橙勞夢想丹陵霞  
鶴間音徽無因得似滄溟叟始憶離巢已倦飛

上建溪

崆峒一派瀉蒼煙長揖丹丘逐水仙雲樹杳冥通  
上界峰巒迴合下閩川侵星愁過蛟龍國採碧時  
逢嫠女船已判猿催鬢先白幾重灘瀨在秋天

冬暮旅泊廬陵

螺亭倚棹哭飄蓬白浪欺船自向東楚國蕙蘭增  
悵望番禺筐篚屢虛空江城雪落千家夢汀渚水  
生一夕風棄置侯鯖任羈束不勞龜瓦問窮通



豫章江樓望西山有懷

水護星壇列太虛煙霓十八

一作霞明滅

上仙

一作居真

時人未識遼東鶴吾祖曾傳寶鼎書終日章江催  
白鬢何年丹竈見紅蕖桃花谷口春深淺欲訪先  
生赤鯉魚

劍池

南昌府志

秦帝南巡厭火精蒼黃埋劍故豐城霸圖繚戾金  
龍蟄坤道扶搖紫氣生星斗臥來閒窟穴雌雄飛  
去變澄泓永懷惆悵中宵作不見春雷發匣聲

登寶曆寺閣

金碧高層世界空，凭峴長嘯八蠻風。橫軒水壯蛟  
龍府，倚棟星開牛斗宮。三楚故墟殘燒一作景北六  
朝荒苑斷山東，不堪懷古勞悲笑。安得鵬搏顯氣  
中。

題豫章西山香城寺

十地巖宮禮竺皇，栴檀樓閣半天香。祇園樹老梵  
聲小，雪嶺花香燈影長。霄漢落泉供月界，蓬壺靈  
鳥侍雲房。何年七七空人降，金錫珠壇滿上方。

賀容府常中丞天府賢兄新除黔南經畧

蓬瀛簪笏舊聯行，紫極差池降寵章。列國山河分

鴈字

一作序

一門金玉盡龍驤耿家符節朝中美袁

氏芝蘭閭外香烽戍悠悠限已越佇聽歌詠兩甘棠

贈容南韋中丞

普寧都護軍威重九譯梯航壓要津十二銅魚尊  
畫戟三千犀甲擁朱輪風雲已靜西山寇閭井全  
移上國春不獨來蘇發歌詠天涯半是泣珠人

投贈福建路羅中丞

越艷新謠不厭聽樓船高臥靜南溟未聞建水窺  
龍劍應喜家山接女星三捷楷模光典策一生封

爵笑丹青皇恩幾日西歸去玉樹扶疎正滿庭

贈江南李偕副使

世祿三朝壓鳳池杜陵公子漢庭知雷封始賀棠  
溪劍花府尋邀玉樹枝幾日坐談誅叛逆列城歸  
美見歌詩從來莫厭千場醉卽是金鑾寵命時

贈溫州韓使君

康樂風流五百年永嘉鈴閣又登賢嚴城鼓動魚  
驚海華屋樽開月下天內史筆鋒光案牘鄴陵詩  
句滿山川今來誰似韓家貴越絕麾幢鴈影連

贈漳州張怡使君

伏波恩信動南夷交趾喧傳四瑞詩  
鸞鼠孕靈褒上德龜蓮增耀荅無私  
迴翔雪侶窺簷處照映紅巢出水時  
盡寫風流在軒檻嘉祥從此百年城  
知作

五言絕句

長相思

欲喝玄雲曲知音復誰是採掇情  
未來臨池畫春水

續古二十八首

大堯登寶位麟鳳煥宸居海曲沾恩澤  
還生比目

魚

生值揖遜曆長歌東南春釣鰲竿三十未見天子

巡

軒轅承化日群鳳戲池臺大樸衰喪後仲尼生不

來

大道歸孟門蕭蘭日爭長想得巢居時碧江應無

浪

屹屹蓬舍下慕君麒麟閣笑殺王子喬寥天乘白

鶴

杳杳巫峽雲悠悠漢江水愁殺幾少年春風相憶

地

吳洲采芳客桂棹木蘭船  
日晚欲有待徘徊春風前

仙家風景晏浮世年華速  
邂逅漢武時蟠桃海東熟

南國珊瑚樹好栽天馬鞭  
魚龍不解語海曲空嬋娟

周穆恣遊幸橫天驅八龍  
寧知泰山下日日望登封

秦國饒羅網中原絕塵鳳  
萬乘巡海回鮑魚空相

送

秦家無廟畧遮虜續長城萬姓隴頭死中原荊棘生

秦作東海橋中州鬼辛苦縱得跨蓬萊羣仙亦飛去

隋煬棄中國龍舟巡海涯春風廣陵死不見秦宮花

范子相勾踐滅吳成大勲雖然五湖去終愧磻谿雲

麟鳳識翔螭聖賢明卷舒哀哉嵇叔夜智不及鷄



鴈

戰地三尺骨將軍一身貴自古苦平冤落花少干  
淚

楚國千里旱土龍日已多九穀竟枯死好雲閒嵯  
峨

漢家三殿色恩澤若飄風今日黃金屋明朝長信  
宮

南園杏花發北濟梅花落美女如西施容華日銷  
鑠

山雞理毛羽自古勝烏鵲一朝逢鸞鵲羞死南海

邊

秦王卷衣貴本自倡家子金殿一承恩貂蟬滿鄉里

魏宮薛家女秀色傾三殿武帝鼎湖歸一身似秋扇

嬋娟越機裏織得雙棲鳳慰此殊世花金梭忽停弄

學古三十載猶依白雲居每覽班超傳令人懔讀書

雄劍久濩落夜吟秋風起不是嬾爲龍此非延平

水

朝爲楊柳色暮作芙蓉好春風若有情江山楓  
老

景龍臨太極五鳳當庭舞誰信壁間梭升天作雲

雨

閩南唐雅又載一首云曾夢諸侯笑康因議  
脫柳十根池底藕一朵火中花似僞作附記

永嘉贈別

芳草溫陽客歸心浙水西臨風青桂檝幾日白蘋  
谿

戊籤餘二十八陳陶之四

唐音統籤卷

七百七十二

七言絕句

朝元引四首

帝燭熒煌下九天蓬萊宮曉玉爐煙無央鸞鳳隨  
金母來賀薰風一萬年

玉殿雲開露冕旒下方珠翠壓鰲頭天雞唱罷南  
山曙春色先歸十二樓

萬寓靈祥擁帝居東華元老薦屠蘇龍池遙望非  
煙拜五色瞳矐在玉壺

寶祚河宮一向清龜魚天篆益分明近臣誰獻登

封草五岳齊呼萬歲聲

僊人詞二首

小隱山人十洲客  
莓苔爲衣雙耳白  
青編遺我忽  
隱身暮雨虹蜺一千尺

赤城門開六丁值曉日  
已燒東海色  
朝天半夜開  
玉雞星斗離離礙龍翼

水調詞十首

黠虜迢迢未肯和  
五陵年少重橫戈  
誰家不結空  
閨恨玉筍闌干妾最多

羽管慵調怨別離  
西園新月伴愁眉  
容華不分隨

君去獨有粧樓明鏡知

憶餞良人玉塞行梨花三見換啼鶯邊場豈得勝  
閨閣莫遲珣弓過一生

惆悵江南早鴈飛年年辛苦寄寒衣征人豈不思  
鄉國只是皇恩未放歸

水閣蓮開燕引雛朝朝攀折望金吾聞道積西春  
不到花時還憶故園無

自從清野戍遼東舞袖香銷羅幌空幾度長安發  
梅柳節旄零落不成功

長夜孤眠倦錦衾素樓霜月苦邊心征人一倍裝

綿厚猶慮交河雪凍深

瀚海長征古別離  
華山歸馬是何時  
仍聞萬乘尊  
猶屈裝束千嬌嫁郅支

沙塞依稀落日邊  
寒宵竟夢怯山川  
離居漸覺筌  
歌懶君逐嫖姚已十年

萬里輪臺音信稀  
傳聞移帳護金微  
會須麟閣留  
蹤跡不斬天驕莫議歸

### 隴西行四首

漢主東封報太平  
無人金闕議邊兵  
縱饒奪得林  
胡塞磧地桑麻種不生

誓掃匈奴不顧身五千貂錦喪胡塵可憐無定河  
邊骨猶是春閨夢裏人

龍戍三看塞草青樓煩新替護羌兵同來死者傷  
離別一夜孤魂哭舊營

黠虜生擒未有涯黑山營陣識龍蛇自從貴主和  
親後一半胡風似漢家

### 春日行

鷓鴣初鳴洲渚滿龍蛇洗鱗春水煖病多欲問山  
寺僧潮上人傳石橋斷

### 春歸去



九十春光在何處古人今人留不住年年白眼向  
蒼黃惟放螭螭飛上樹

臨風歎

芙蓉樓中飲君酒驪駒結言春楊柳豫章花落不  
見歸一望東風堪白首

吳苑思

今人地藏古人骨古人花爲今人發江南何處墓  
西施謝豹空聞采香月

子規思

春山杜鵑來幾日夜啼南家復北家野人聽此坐

惆悵恐畏踏落東園花

古意

麻姑井邊一株杏花開不如古時紅西鄰蔡家十  
歲女年年二月嗔東風

閒居雜興五首

虞韶九秦音猶在只是巴童自棄遺閒臥清秋憶  
師曠好風搖動古松枝

一顧成周力有餘白雲閒釣五谿魚中原莫道無

麟鳳自是皇家結網疎

馬令南唐書云陶昇元中將詣建康以宋齊丘方秉

政恐不令築室南昌西山日以詩酒爲事會齊丘

出鎮南昌陶志不屈而齊丘亦不爲薦辟因作詩

自詠  
云云

長愛真人王子喬五松山月伴吹簫從他浮世悲  
生死獨駕蒼麟入九霄

越里娃重錦作襦艷歌聲壓郢中姝無人說向張  
京兆一曲江南十斛珠

雲堆西望賊連營分閫何當舉義兵莫道羔裘無  
壯節古來成事盡書生

夏日懷天台

竹齋睡餘柘漿清麟鳳誘我勞此生忽憶天台掩  
書坐澗雲起盡紅崢嶸

南昌途中

古道黃緣蔓黃葛桓伊冢西春水瀾村翁莫倚橫  
浦罾一半魚鰕屬鷄獺

閩川夢歸

千里潺湲建谿路夢魂一夕西歸去龍舫欲上巴  
獸灘越王金雞報天曙

鍾陵秋夜

洪崖嶺上秋月明野客枕底章江清蓬壺宮闕不  
可夢一一入樓歸雁聲

吳興秋思二首

不是茗溪厭看月天涯有程雲樹涼何意汀洲剩  
風雨白蘋今日似瀟湘

日夕鯢魚夢南國茗陽水高迷渡頭故山秋風憶  
歸去白雲又被王孫留

### 古蓮塘

閭闔宮娃能采蓮明珠作佩龍爲船三千巧笑不  
復見江頭廢苑花年年

### 題徐穉湖亭

伏龍山橫洲渚地人如白蘋自生死洪崖成道二  
千年唯有徐君播青史

宿天竺寺

一宿何期此靈境五天山香金地冷西僧示我高  
隱心月在中峰葛洪井

投贈福建桂常侍二首

後來台席更何人都護朝天拜近臣長笑當時漢  
卿士等閒恩澤畫麒麟

匝地歌鍾鎮海隅城池鞅掌舊名都不知珠履二  
千外更許侯嬴寄食無

贈野老

何年種芝白雲裏人傳先生老萊子消磨世上名

利心澹若巖間一流水

酬元孚上人

一衲淨居雲夢合秋來詩思祝融高何因知我津  
涯濶遠寄東溟六巨鰲

送謝山人歸江夏

黃鶴春風二千里山人佳期碧江水携琴一醉楊  
柳堤日暮龍沙白雲起

江上逢故人

十年蓬轉金陵道長哭一作笑青雲身不早故里相  
逢盡白頭清江顏色何曾老

答蓮花妓

麗情集云嚴尚書字鎮豫章以陶

者他侍馬陶殊不采妓爲詩求去云蓮花爲號玉爲肥珍重尚書遣妾來處士不生

巫峽夢虛勞神女下陽臺陶答之云云後人移其事爲陳圖南非也

近來詩思清於水老大心情薄似雲  
已向昇天得門戶錦衾深愧卓文君

鏡道人吹簫

金欄白的苦參差雙鳳夜伴江南樓  
十洲人聽玉樓曉空向千山桃杏枝

雙桂詠

青冥結根易傾倒沃州山中好  
瑤璃宮殿無



斧聲石上蕭蕭伴僧老

竹十一首

不厭東谿綠玉君  
天壇雙鳳有時聞  
一峰曉似朝仙處  
青節森森倚絳雲

萬枝朝露學瀟湘  
杳靄孤亭白石涼  
誰道乖龍不行雨  
春雷入地馬鞭狂

須

一作獨

題內史琅玕塢  
幾醉山陽琴瑟村  
剩養萬

莖將掃俗莫教凡鳥關雲門

一谿雲母間靈花  
似到封侯逸士家  
誰識雌雄九成律  
子喬丹井在深涯

肅入新篁一里行萬竿如甕鎖龍泓驚巢翡翠無  
尋處閒倚雲根刻姓名

燕燕離時紫米香野溪羞色過東牆諸兄莫构成  
蹊筍從結高籠養鳳凰

青嵐帶亞思吾祖綠潤偏多憶蔡邕長聽南園風  
雨夜恐生鱗甲盡爲龍

迸玉開抽上釣磯翠苗番次脫霞衣山童泥乞青  
驄馬騎過春泉掣手飛

一節呼龍萬里秋數莖垂澗水驚愁更須瀑布峰  
前種雲裏闌干過子猷

丘壑誰堪話碧鮮  
靜尋春繡說嬋娟  
會管小殺青  
瑤簡圖寫龜魚把上天

玄圃千春閉玉臺  
滄陽一朶碧雲空  
不須騷屑愁  
江島今日南枝在國風

蜀葵詠

綠衣宛地紅倡倡  
薰風似舞諸女郎  
南隣蕩子婦  
亡賴錦機春夜成文章

泉州刺桐花詠六首兼呈趙使君

海曲春深滿郡霞  
越人多種刺桐花  
可憐虎竹西  
樓色錦帳三千阿母家

石氏金園無此艷南都舊賦乏靈材只因赤帝宮  
中樹丹鳳新銜出世來

猗猗小艷夾通衢晴日薰風笑越姝只是紅芳移  
不得刺桐屏障滿中都

不勝攀折悵年華紅樹南看見海涯故國春風歸  
去盡何人堪寄一枝花

赤帝當年

一作嘗聞

海上遊三千幢蓋擁炎州今來樹

似離宮色紅翠欹斜十二樓

髣髴三株植世間風光滿地赤城閒無因秉燭看  
奇樹長伴劉公醉玉山

句

蟬聲將月短草色與秋長 北屋歌黃竹何人撼

白榆

以上見張爲主客圖

好看如鏡夜莫笑似弓時

新月吟窓雜

錄

江湖水清淺不足掉鯨尾 飲水狼子瘦思

日鷓鴣寒 一鼎雄雌金液火十年寒暑鹿霓衣

寄語東流任斑鬢向隅終守鐵梭飛

以上見北夢瑣言

乾坤見了文章懶龍虎成來印綬疎

紀事云南唐後主卽位陶

知其運祚衰替以修養爲事故其詩云云

近來世上無徐庶誰向桑

麻識臥龍

亦見吟窓雜錄

卷終

戊籤餘二十九

唐音統籤卷

七百七十三

徐鉉字鼎臣廣陵人十歲能屬文與韓熙載齊名江東謂之韓徐仕吳爲秘書郎仕南唐李昇父于試知制誥與宋齊丘不協貶泰州司戶掾復官遣勸屯田事被譖流舒州俄召爲中書舍人後主時累遷翰林學士吏部尚書歸宋累散騎常侍坐貶卒鉉文思敏速凡所撰述往往執筆立就精小學篆隸尤工全集三十卷今錄江南詩五卷

陳氏書錄云鉉

集二十卷仕南唐時作餘十卷歸宋後作其詩並編年爲次不分體今所錄並江南詩稍爲分體而不改年次以存其舊餘歸宋詩不錄馬令南唐書云太平興國中嘗勅鉉與湯悅撰江南錄至於

李氏亡國之際不言其君之過但以歷數存亡論之君子有取焉東軒筆錄云李煜之薨也鉉奉詔撰碑其警句云東鄰遭禍南箕扇疑投杼致慈親之感乞火無里婦之辭始勞因壘之師終後塗山之會又云孔明罕應變之畧不成近功偃王躬仁義之行終於亡國太宗覽之稱其得體復得鉉所撰挽詞尤加歎賞其詞云倏忽千齡盡冥茫萬事空青松洛陽陌芳草建康宮道德遺文在興衰自古同受恩無補報反袂泣塗窮土德承餘烈江南廣舊恩一朝人事變千古信書存哀挽周原道銘旌鄭國門此生雖未死寂寞已銷魂信書指所撰江南錄也

## 樂府

### 拋毬樂辭二首

歌舞送飛球金觥碧玉籌管弦桃李月簾幕鳳凰樓一笑千場醉浮生任白頭

灼灼傳花枝紛紛度畫旂不知紅燭下照見彩球  
飛借勢因期尅巫山暮雨歸

五言古詩

訓郭先輩

太原郭夫子行高文炳蔚弱齡負世譽一舉游月  
窟仙籍第三人時人故稱屈昔余吏西省傾蓋名  
籍籍及我鼠群舒向風心鬱鬱歸家暮江上雲霧  
一披拂雷雨不下施猶作池中物念君介然氣感  
時思奮發示我數篇文與古爭馳突綵縛粲英華  
理深刮肌骨古詩尤精與史論皆宏拔舉此措諸



民何憂民不活吁嗟吾道窮與世長迂濶顧我徒  
有心數竒身正紬論兵屬少年經國須儒術夫子  
無自輕蒼生正愁疾

題伏龜山北隅

茲山信岑寂陰厓積蒼翠水石何必多宛有千巖  
意孰知近人境旦暮含佳氣池影搖輕風林光澹  
新霽支頤藉芳草自足忘世事未得歸去來聊爲  
宴居地

詠梅子真送郭先輩

忠臣本愛君仁人本愛民寧知貴與賤豈計名與

身梅生爲一尉獻疏來君門君門深萬里金虎重  
千鈞向永且不用劉向谷永况復論子真拂衣遂長往  
高節邈無鄰至今仙籍中謂之梅真人鄉生召逸  
氣百代繼遺塵進退生自知得喪吾不陳期民苟  
有幸期子一朝伸

送薛少卿赴青陽

我愛陶潛節吏隱從絃歌我愛費徵君高臥歸九  
華清風激瀨波來者無以加我志爾不遂漂淪浩  
無涯數畝時且亂此圖今愈賒賢哉薛夫子高舉  
凌晨霞安民卽是道投足皆爲家功名與權位悠

悠何用謬攜朋出遠郊酌酒藉平沙雲收遠天靜  
江濶片帆斜離懷與企羨南望長咨嗟

送高起居之涇縣

右史罷朝歸之官句水涓別我行千里送君傾一  
卮酒罷長歎息此歎君應悲亂中吾道薄卿族舊  
人稀胡爲佩銅墨去此白玉墀吏事豈所堪民病  
何可醫藏用清其心此外慎勿爲縣郭有佳境千  
峰谿水西雲樹杳迴合巖巒互蔽虧彈琴坐其中  
世事吾不知時時寄書札以慰長相思

玉笥山留題

仙鄉會應遠王事知何極征傳莫辭勞玉峰聊一  
息形骸已銷散心想都凝寂真氣自清虛非關好  
松石九仙皆積學洞壑多遺跡遊子歸去來胡爲  
但征役

廻至南康題紫極宮裏道士房

王事信靡盬飲冰安足辭胡爲擁征傳乃至天南  
陲天南非我鄉留滯忽踰時還經羽人家豁若雲  
霧披何以寬吾懷老莊有微詞達士無不可至人  
豈偏爲客愁勿復道爲君吟此詩

盡君別後相續寄書作此訓之

多病怯煩暑短才憂近職  
跂足北窓風遙懷浩無  
極故人易成別詩句空相憶  
尺素寄天涯淦江秋水色

奉酬度支陳員外

古來賢達士馳驚唯群書  
非禮誓弗習違道無與  
居儒家若迂濶遂將世情疎  
吾友嗣世德古風藹  
有餘幸遇漢文皇握蘭佩金魚  
俯視長沙賦恂恂  
將焉如

北使還襄邑道中作

九月三十日

九月三十日獨行梁宋道  
河流激似飛林葉翻如

掃程遙苦畫短野迥知寒早還家亦不閑要且還家了

右省僕射後湖亭閑宴鉉以宿直先歸賦詩

留獻

湖上一陽生虛亭啟高宴楓林烟際出白鳥波心見主人忘貴達座客容疵賤獨慙殘照催歸宿明光殿

七言古詩

月真歌

廣陵妓人翰林股舍人所錄携之垂訪筵上贈此

楊州勝地多麗人其間麗者名月真月真初年十

四五能彈琵琶善歌舞風前柳一枝春花裏嬌  
鴛首般語揚州帝京多舊蹟其間賢者殷德川德  
川初秉翰闢筆職近名高常罕出花前月下或遊  
從一見月真如舊識閑庭深院資賢宅宅門嚴峻  
無凡客妻孥偶坐唯月真調弄琵琶郎爲拍殷郎  
一旦過江去鏡中嬾作孤鸞舞朝雲暮雨鎮相隨  
石頭城下還相遇三月三日江南春滿城濛濛起  
香塵隔牆試聽歌一曲乃是資賢宅裏人綠窗繡  
幌天將曉殘燭依依香裊裊離腸却恨苦多情輓  
障熏籠空悄悄殷郎去冬入翰林九霄官署轉深

沉人間想望不可見唯向月真存舊心我慙闕茸  
何爲者長感餘光每相假陋巷蕭條正拚屏相携  
訪我衡茅下我本山人愚且貞歌筵飲席常無情  
自從一見月真後至今贏得顛狂名殷郎月真聽  
我語少壯光陰能幾許良辰美景數追隨莫教長  
說相思苦

亞元舍人不替深知猥貽佳作三篇清絕不  
敢輕酬因爲長歌聊以爲報未竟復得子喬  
校書示問故兼寄陳君庶資一笑耳

海陵城裏春正月海畔朝陽照殘雪城中有客獨



登樓遙望天邊白銀闕

天帝以黃金白銀爲宮闕

白銀闕下何

英英雕鞍繡轂趨承明閭門曉闢旌旗影王墀風

細佩環聲此處追飛皆俊彥當年何事容疵賤懷

鉛畫坐紫微宮焚香夜直明光殿王言簡靜官司

閑朋好殷勤多往還新亭風景如東洛卽嶺林泉

似北山光陰暗度盈虛裏職業未妨談笑間有時

邀賓復攜妓造門不問都非是酣歌叫笑驚四隣

賦筆縱橫動千字任他銀箭轉更籌不怕金吾司

夜吏可憐諸貴賢且才時情物望兩無猜伊余獨

稟狂狷性編量多言仍薄命存舟可漏豈無恩負

乘白貽非不幸一朝削跡爲遷客旦暮青雲千里

隔離鴻別鴈各分飛折柳攀花兩無色廬龍渡口

問迷津瓜步山前送暮春

去年三月三十日瓜步阻風

白沙江

上會行路青林花落何紛紛漢皇昔幸回中道昇元

中恩駕東遊之路

極目牛羊臥芳草舊宅重游盡隙荒故

人相見多衰老禪智寺山光橋風瑟瑟兮雨蕭蕭

行盃已醒殘夢斷征途未極離魂消海陵郡中陶

太守相逢本是隨行舊乍申拜起已開眉却問辛

勤還執手精廬水榭最清幽一稅征車聊駐留閉

門思過謝來客知恩省分寬離憂郡齋勝境有後

池山亭茵閣互參差有時虛左來相召舉白飛觴  
任所爲多才太守能撾鼓醉送金船間歌舞酒酣  
耳熱眼生花看似京華歡會處歸來旅館還端居  
清風朗月夜窻虛駸駸流景歲云暮天涯望斷故  
人書春來憑檻方歎息仰頭忽見南來翼足繫紅  
牋墮我前引頸長鳴如有言開緘試讀相思字乃  
是多情喬亞元短韻三篇皆麗絕小梅寄意情偏  
切亞元詩云借問小梅應得信金蘭投分一何堅  
銀鈎置袖終難滅醉後狂言何足奇感君知己不  
相遺長卿會作美人賦玄成今有責躬詩

鉉去春  
醉中贈

妓長歌爲喬君所賞報章欲託還京信筆抽紙窮  
來篇所引故以謝之

情未盡珍重芸香陳子喬亦解貽書遠相問寧須

買藥療羈愁只恨無書消鄙客  
子喬問藥物所要又問置新書故有

此游處同時靡不同歡娛今日兩成空天子尚應

憐賈誼時人未要嘲楊雄曲終筆闕緘封已翩翩

驛騎行塵起寄向中朝謝故人爲說相思意如此

### 題白鷺洲江鷗送陳君

白鷺洲邊江路斜輕鷗接翼滿平沙吾徒來送遠  
行客停舟爲爾長歎息酒旗漁艇兩無猜月影蘆  
花鎖相得離筵一曲怨復清滿座銷魂鳥不驚人

生不及魚禽樂安用虛名上麟閣同心攜手今如此金鼎丹砂何寂寞天涯後會眇難期從此又應添白髭願君不忘分飛處長保翩翩潔白姿

五言律詩一

早春左省寓直

旭景鸞臺上微雲象闕間時清政事少日永直官閑遠籟飛簫管零冰響珮環終軍年二十默坐卽玄關

寒食宿陳公塘上

垂楊界官道茅屋倚高坡月下春塘水風中牧豎

歌折花閑立久對酒遠情多今夜孤亭夢悠揚奈  
爾何

將過江題白沙館

少長在維揚依然認故鄉金陵佳麗地不道少風  
光稍望吳臺遠行登楚塞長殷勤語江嶺歸夢莫  
相妨

早春旬假獨直寄江舍人

省署皆歸沐西垣公事稀詠詩前砌立聽漏向申  
歸遠思風醒酒餘寒雨濕衣春光已堪探芝蓋共  
誰飛

賦得綵燕

縷綵成飛燕，迎合啟蟄時。  
翠翹生玉指，繡羽拂文楣。  
誰費銜泥力，無勞剪爪期。  
化工今在此，翻怪社期遲。

送史館高員外使嶺南

東觀時閑暇，遠修喻蜀書。  
雙旌馳縣道，百越從輶車。  
桂蘘晨殮罷，貪泉訪古餘。  
春江多好景，莫使醉吟疎。

春日紫巖山期客不至

郊外春華好，人家帶碧谿。  
淺莎藏鴨戲，輕霧隔鷄啼。

啼掩映紅桃谷  
負綠翠柳堤  
王孫竟不至  
芳草自萋萋

愛敬寺有老僧嘗遊長安言秦雍間事歷歷可聽因贈此詩兼示同行客

白首棲禪者  
嘗談灞澹游  
能令過江客  
偏起失鄉愁  
室倚桃花崦  
門臨杜若洲  
城中無北景  
將子剩淹留

寄和州韓舍人

急景駸駸度  
遙懷處處生  
風頭乍寒暖  
天色半陰晴  
久別魂空斷  
終年道不行  
殷勤雲上鴈  
爲過歷



陽城

春分日

仲春初四日春色正中分綠野裴回月晴天斷續  
雲鷺飛猶箇箇花落已紛紛思婦高樓晚歌聲不  
可聞

寄駕部郎中

賤子乖慵性頻爲省直牽交親每相見多在相門  
前君獨疎名路爲郎過十年炎風久成別南望恩  
悠然

謝文靜墓下作

時閩嶺用師  
契丹陷梁宋

越徼稽天討周京亂虜塵蒼生何可奈江表更無人  
豈憚尋荒壟猶思認後身春風白楊裏獨步淚  
霑巾

和明道人宿山寺

聞道經行處山前與水陽磬聲深小院燈影迥高  
房落宿依樓角歸雲擁殿廊羨師閒未得早起逐  
班行

晚歸

暑服道情出煙街薄暮還風清飄短袂馬健弄連  
環水靜聞歸櫓霞明見遠山過從本無事從此涉

旬開

聞雁寄故人

久作他鄉客深慙薄宦非不知雲上鴈何得每年  
歸夜靜聲彌怨天空影更微往年離別淚今夕重  
霑衣

寒食日作

廚冷煙初禁門閒日更斜東風不好事吹落滿庭  
花過社紛紛燕新晴淡淡霞京都盛遊觀誰訪子  
雲家

歐陽大監雨中視決堤因墮水明日見於省

中因戲之

聞道張晨蓋徘徊石首東  
濬川非伯禹落水異三  
公衣濕仍愁雨冠欹更怯風  
今朝復相見疑是葛  
仙翁

送吳郎中爲宣州推官知涇縣

征虜亭邊月雞鳴伴客行  
可憐何水部今事謝宣  
城風物聊供賞班資莫繫情  
同心不同載留滯爲  
浮名

寄舒州杜員外

信到得君書知君已下車  
粉闥情在否蓮幕興何

如人望徵賢入余思從子居瀟山真隱地憑爲卜  
茅廬

賦得擣衣

江上多離別居人夜擣衣拂砧知露滴促杵恐霜  
飛漏轉聲頻斷愁多力自微裁縫依夢見腰帶定  
應非

九月三十夜雨寄故人

獨聽空堦雨方知秋事悲寂寥旬假日蕭颯夜長  
特別念紛紛起寒更故故遲情人如不醉定是兩  
相思

寄撫州鍾郎中

時王師敗績於  
閩中謫在建州

去載分襟後尋聞在建安封疆正多事罇俎若爲  
歡都護空遺鏃明君欲舞干繞朝時不用非是殺  
身難

秋日盧龍村舍

置却人間事閒從野老游樹聲村店晚草色古城  
秋獨鳥飛天外閒雲度隴頭姓名君莫問山水與  
虛舟

中書相公谿亭閒宴依韻

李建勳

雨霽秋光晚亭虛野興迴沙鷗掠岸去谿水上堦

來客傲風歎幘筵香菊在孟東山長許醉何事憶  
天台

寄饒州王郎中效李白體

珍重王光嗣交情尚在不蕪城連宅住楚塞並車  
游別後官三改年來歲六周銀鈎無一字何以緩  
離愁

張員外好茅山風景求爲句容令作此送

句曲山前縣依依數舍程還同適勾漏非是厭承  
明柳谷供詩景華陽契道情金門容傲吏官滿且  
還城

臨石步港

碕岸縈縈帶微風起細漣綠陰三月後倒影亂峰  
前吹浪游鱗小黏苔碎石圓會將腰下組換取釣  
魚船

和江州江中丞見寄

賈傅南遷久江關道路遙北來空見鴈西去不如  
潮鼠穴依城社鴻飛在沈寥高低各有處不擬更  
相招